



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

19 c Nemesius materer in Egypten.

**urn:nbn:de:hbz:466:1-41449**

im Ehebruch ergriff / verließ er sie / vnd damit er Gott  
frey dienete / begab er sich inn die Wüsten des heyligen  
Abes Anthonij Jünger / in gedult vnnnd gehorsam wun-  
derbarlich.

Item zu Coblenz / die erhebung des H. Priesters  
vnd Reichthigers Florini.

Item der heyligen Junckfrawen vnnnd Marterin  
Anatholie / welche sampt ihrer Mijunckfrawen Victo-  
ria / vnder dem Tyrannischen Kaiser Decio gefangen /  
vnnnd mit der Marter vmb Christi willen / gekrönt ward.  
Als hernach am dreyzehenden Tag dis Monats ge-  
meldt wirdt.

e xiiij. Calend. Januarij.

### Der XIX. Tag im Christmonat.

**I**n Egypten ist heut der Tag des heyligen Mar-  
terers Nemesij / welcher vnder der Diocletiani-  
schen verfolgung mit zwyscher peim gemartert /  
vnnnd sampt andern Mördern verbrennt / damit er als  
so Christi des H E R R E N Bildnuß / der auch vnder  
den Mördern vnschuldig den tod des Creuzes willig-  
lich gelidten.

Item in Mauritania des H. Diacons vnnnd Mar-  
terers Timothei / der beköhte zu Christi Glauben vil  
Hayden mit seinem Predigamt: tauffete auch die be-  
köhten / vnnnd straffete das Abgöttische vnraine Wes-  
sen der Vnglaubigen. Ward darumb von dem Gott-  
losen Pfleger gefangen / auch mit hunger vnnnd durst

Bbb iij

gepei

## December

gepeiniget / vnd als er bestendig blib in der bekantnuß /  
in das Fehr geworffen.

Item in der Statt Nicea des heyligen Martirers  
Daris.

Item zu Antisiodoro des heyligen Bischoffs Gre-  
gorij.

Item zu Aurelia des heyligen Abts Adiuti / wel-  
cher ein Schaffner in dem Menacenser Kloster war /  
verließ aber dasselb Kloster / vnd zoge in die Wüsten /  
Anno Dñi 550. auß begird des Einsidlichen lebens / mit dem heyligen  
Münch Karelesso / von welchem am ersten tag Hew-  
monats / daselbst lebet er in grosser strengigkeit vnd  
heyligkeit / auch mit Prophetischem Geist begabet / die-  
net GOTT vil Jar andächtiglich / ward darnach  
Abt zu Carnoto gemacht / weissaget seinen Tod / leuch-  
tet mit vilen Wunderzaichen / erwecket einen gestobnen  
Münch vom tod / starb im feid / vnd ward zu Aurelia  
begraben.

Item selige gedächtnuß des Priesters Petri / Ca-  
nonici Regularis / Probst zu Arolten.

Item selige gedächtnuß Wilhelmi / eines Car-  
theuser Layenbrüders vnd Beichtigers / mit wunderbar-  
licher Tugend vnd gnaden von GOTT gezieret.

Item an disem tag ist Sanct Huberti Leib in ein  
Krußte erhebt worden.

d xiiij. Calend. Ianuarij.

Der XX. Tag im Christmonat.

Heut